



საქართველოს
კონკურენციის
ეროვნული სააგენტო



**ურთიერთთანამშრომლობის მემორანდუმი
საქართველოს კონკურენციის ეროვნულ სააგენტოსა
და
შპს „საქართველოს ეროვნულ უნივერსიტეტი სეუ“-ს
შორის**

ქ. თბილისი

14/02/2023წ.

ერთი მხრივ, საქართველოს კონკურენციის ეროვნული სააგენტო (შემდგომი „სააგენტო“) წარმოდგენილი მისი თავმჯდომარის - ირაკლი ლექვინაძის სახით და მეორე მხრივ, შპს „საქართველოს ეროვნული უნივერსიტეტი სეუ“ (შემდგომში „უნივერსიტეტი“), წარმოდგენილი მისი რექტორის - გია კავთელიშვილის სახით, ცალ-ცალკე „მხარედ“, ხოლო ერთობლივად „მხარეებად“ წოდებულნი, აღიარებენ რა, ორმხრივ ინტერესს ხელი შეუწყონ სტუდენტების მიერ მიღებული ცოდნის პრაქტიკულ გაანალიზებასა და განზოგადებას, მათი კვალიფიკაციის ამაღლებისა და პროფესიული უნარ-ჩვევების გამომუშავებას, ასევე, „მხარეებს“ შორის გამოცდილებისა და ცოდნის გაზიარებას შესაბამის სფეროში დარგობრივი უნარების გაღრმავების მიზნით, აფორმებენ მემორანდუმს (შემდგომში „მემორანდუმი“) და თანხმდებან შემდეგზე:

მუხლი 1. მემორანდუმის საგანი:

- 1.1. წინამდებარე მემორანდუმით მხარეები, თავისი კომპეტენციისა და საქართველოს მოქმედი კანონმდებლობის შესაბამისად, ადგენენ ორმხრივი თანამშრომლობის ფარგლებს;
- 1.2. მემორანდუმის საგანია მხარეთა ურთიერთთანამშრომლობა საგანმანათლებლო სფეროში, ერთობლივი ძალისხმევითა და მხარდაჭერით სტუდენტების ხელის შეწყობა კვალიფიკაციის ამაღლებასა და პროფესიული უნარ-ჩვევების გამომუშავებაში;
- 1.3. მემორანდუმის ფარგლებში უნივერსტეტის სტუდენტების მიერ, სააგენტოსთან ურთიერთობის გზით, პრაქტიკული გამოცდილების მიღება;
- 1.4. უნივერსტეტის სტუდენტების მიერ სააგენტოში, შესაძლებლობის ფარგლებში, პროგრამით გათვალისწინებული (ასეთის არსებობის შემთხვევაში) პრაქტიკის/სტაჟირების გავლა;

1.5. მხარეებს შორის სამეცნიერო და გამოყენებითი კვლევების ფარგლებში გამოცდილებისა და ცოდნის გაზიარება;

მუხლი 2. მემორანდუმის მიზანია:

- 2.1. სტუდენტების დახმარება ხარისხიანი პრაქტიკული განათლების მიღებასა და თვითონალიზაციაში;
- 2.1.1. საქართველოს ეროვნული უნივერსიტეტის სტუდენტების მიერ პროგრამის ფარგლებში მიღებული თეორიული ცოდნის პრაქტიკული განმტკიცება;
- 2.1.2. შესაბამისი გამოცდილების გაზიარება;
- 2.1.3. სტუდენტებისათვის დარგობრივი კომპეტენციების განმტკიცება და შესაბამისი უნარების განვითარება;
- 2.1.4. უნივერსტეტში შესაბამისი პროგრამის სტუდენტებისათვის საგანმანათლებლო პროგრამით გათვალისწინებული პრაქტიკული სასწავლო კურსის გავლა და სტუდენტთა შეფასება;
- 2.2. სამეცნიერო-კვლევით სფეროში თანამშრომლობის ხელშეწყობა უნივერსტეტის აკადემიურ პერსონალს და სააგენტოს შესაბამისი დეპარტამენტების წარმომადგენლებს შორის, ცოდნისა და გამოცდილების გაზიარებისა მიზნით.
- 2.3. სამეცნიერო და კვლევითი საქმიანობის მხარდაჭერა მონაცემების ხელმისაწვდომობის უზრუნველყოფით, მოქმედი კანონმდებლობის გათვალისწინებით.

მუხლი 3. თანამშრომლობის ფარგლებში მხარეთა უფლება-მოვალეობები:

- 3.1. სააგენტო გამოხატავს მზადყოფნას:
 - ა) სტაჟირების კონკურსის ფარგლებში შერჩეული სტუდენტები უზრუნველყოს სტაჟირების გავლისათვის აუცილებელი სათანადო პირობებით;
 - ბ) უნივერსტეტის დაინტერესებისა და სააგენტოს სურვილის შემთხვევაში, მონაწილეობა მიიღოს უნივერსტეტთან ერთობლივ ღონისძიებებსა თუ პროექტებში, სხვადასხვა საფეხურის საგანმანათლებლო პროგრამების შემუშავება-განხორციელებაში (ინფორმაციის გაცვლა, მეთოდური დახმარება);
 - გ) უნივერსტეტის მომართვისა და სააგენტოს თანხმობის შემთხვევაში, უზრუნველყოს სააგენტოსათვის შესაბამისი სამსახურის წარმომადგენელთა მიერ, საჯარო ლექციების ჩატარება სტუდენტებისათვის აქტუალურ თემებზე;
 - დ) უნივერსიტეტთან ერთად დაგეგმოს სხვა აქტივობები, რაც ხელს შეუწყობს წინამდებარე მემორანდუმით დასახული მიზნების მიღწევას;

3.2. უნივერსიტეტი გამოხატავს მზადყოფნას:

- ა) სააგენტოში სტუდენტთა პრაქტიკისა თუ სტაჟირების გავლის მიზნებისათვის, სააგენტოს მიაწოდოს სტუდენტთა მონაცემები და შესაძლებლობების ფარგლებში, სხვა საჭირო ინფორმაცია მოთხოვნის/აუცილებლობის შესაბამისად;
- ბ) სააგენტოსთან ერთად დაგეგმოს და მონაწილეობა მიიღოს სტუდენტებისათვის ჩასატარებელ სხვადასხვა საორგანიზაციო ღონისძიებებში;
- გ) უზრუნველყოს სააგენტოს წარმომადგენელთა საჯარო ლექციების ორგანიზება;
- დ) მიიღოს აქტიური მონაწილეობა სააგენტოს საკონსულტაციო და სამუშაო ჯგუფებში;
- ე) გაუზიაროს სააგენტოს თავისი გამოცდილება და უახლესი კვლევები;
- ვ) შესთავაზოს სააგენტოს პერსონალს თანაავტორობა აკადემიური და გამოყენებითი კვლევების განხორციელებაში;
- ზ) მხარი დაუჭიროს სააგენტოს მისი პუბლიკაციების და გადაწყვეტილებების პოპულარიზაციაში.

მუხლი 4. მემორანდუმის მოქმედება და შეწყვეტა:

- 4.1. მემორანდუმი ძალაში შედის ხელმოწერისთანავე და მოქმედებს მისი ძალაში შესვლიდან 4 (ოთხი) წლის განმავლობაში, თუ ამავე მუხლის 4.2 პუნქტის გათვალისწინებით არ მოხდა მისი შეწყვეტა.
- 4.2. მემორანდუმი შეიძლება ვადამდე შეწყდეს წებისმიერ დროს, მხარის მოთხოვნის შემთხვევაში. მემორანდუმის შეწყვეტის ინიციატორი მხარე ვალდებულია, ამის თაობაზე მემორანდუმის შეწყვეტამდე არაუგვიანეს 1 (ერთი) თვისა აცნობოს მეორე მხარეს.
- 4.3. ამ მუხლის 4.2 პუნქტით მემორანდუმის შეწყვეტის შემთხვევაში, მხარეებმა, შესაძლებლობის ფარგლებში, უნდა განახორციელონ ყველა შესაბამისი და აუცილებელი ღონისძიება მემორანდუმის ფარგლებში უკვე დაწყებული ღონისძიებების დასასრულებლად.
- 4.4. მემორანდუმი შედგენილია თანაბარი იურიდიული ძალის მქონე ორ ეგზემპლარად ქართულ ენაზე. თითოეულ მხარესთან ინახება ხელმოწერილი მემორანდუმის თითო ეგზემპლარი.

მხარეთა ხელმოწერები:

საქართველოს კონკურენციის ეროვნული
სააგენტო

მის: დ. აღმაშენებლის გამზირი #154, თბილისი

შპს „საქართველოს ეროვნული
უნივერსტეტი სუს“

მის: წინანდლის ქ. #9, თბილისი



რექტორი:
გია კავთელიშვილი

